

Den Luna Cultural 'September'; tur diarazon un presentacion na Biblioteca Nacional



STA. CRUZ--Recientemente Biblioteca Nacional Aruba a presenta un Recital di piano den cuadro di su Luna Cultural. Publico por a goza di presentacion di tres cabayero pianista, sr. Johnny Scharbaay, sr. Victor Camacho y sr. Livio Hermans. Cada pianista a trece un seleccion di pieza cu nan mes a scoge. Johnny Scharbaay a toca algun pieza cu e mes a compone. Tabata

un anochi bunita den un dushi ambiente. E piezanan cu e musiconan a trece a wordo toca cu un souplesse, firmeza, un dominio impresionante, sabor y alegria.

Publico a keda hopi contento. Comision organizador ta gradici e tres cabayeronan pa nan tremendo contribucion na Luna Cultural 2006.

Tur aña na September Biblioteca Nacional Aruba



ta enfoca riba un tema cultural y ta profundiza esaki pa medio di diferente actividad durante e luna. E aña aki a scoge pa variacion, pesey Luna Cultural a haya e titulo 'Mosaico Cultural'. Biblioteca a prepara un programa interesante y varia pa su bishitantenan. Tur diarazon anochi pa 8'or durante henter luna tin presentacion-yencuentronan na Biblioteca na Playa. Un y tur ta bonbini.

